

no. 4

44

LES
SIBILLES
AV ROY.

M. DC. XXIII.


74



123


LIBLES

ROY



[The page contains faint, illegible text, likely bleed-through from the reverse side.]

100



LES SIBILLES

AV ROY.

SIBILLA CVMANA.



RAND Roy sous qui
la felicité de la France
seroit accomplie, si elle
ne se voyoit en peine
d'en exprimer la gran-
deur, sera-il en l'Vni-
uers quelque Prouince

qui merite d'accroistre le nombre de vos
victoires, où vostre fameuse valeur ne
porte la crainte, & vos vertus le iuste
subiet de reprocher aux Dieux vostre
tardiue naissance: si nos peres sont capa-
bles de honte, ils en rougissent mainte-
nant se voyant abusez en la croyance
d'auoir vescu au siecle d'Or, grand Roy
sous vostre bonté dont homme du mon-
de ne verra iamais la comparaison, com-

mencera vn siecle d'Or, de qui la duree
 n'aura la fin qu'en celle de l'Vniuers.
 Voicy celles de mes Oracles, lesquels
 vous obligez à se taire par ceste raison,
 que ne pouuant predire rien de compa-
 rable à vostre grandeur & aux prosperi-
 tez de vostre Empire, ils meriteroiēt l'in-
 credulité, & les reproches des races fu-
 tures, s'ils parloient que de vostre puis-
 sence & de son bon-heur, d'en continuer
 le discours, c'est où se prepare si haute-
 ment la renommee que vous ignorer
 fera ne sçauoir pas qu'il y a vn Soleil qui
 n'enuoya iamais sa lumiere où elle porte-
 ra vos louanges.

PERSICA.

Grand Roy, en qui les Dieux ne per-
 mettront iamais l'ignorance des func-
 tes pratiques de vos rebelles, ce ne sera
 pas leur apprendre quels sont vos meri-
 tes, d'affirmer seulement que vous effa-
 cerez de tous les lieux du monde les
 marques qu'ils y ont esté, si ie ne dis avec
 quelle esperance d'heureux succez ils

osent opposer leur foiblesse à la puissance d'un Roy qu'on voit se marquer dans le Temple de memoire, le mesme rang que la prudence & la valeur y peuvent acquerir, bien que les effects de vostre courage soyent quelque chose au dela de ce que peuvent les hommes, & que la coustume que vous ferez de vaincre soit quelque iour la honte des heroiques vertus que l'antiquité remarquoit aux demi-Dieux, si est-il inévitable qu'il ne reste à l'Univers la douleur de voir qu'à dompter la rage de la rebellion, vous prophanez la gloire que prendroient les grands guerriers, de mourir de vos coups, de quelque esperance de salut que la manie flate ces forceze, il est visible que ce ne sera plus que pour augmanter le nombre des fables, s'ils aduoient que celui des miracles s'accomplir ailleurs qu'aux heureux evenemens de vos entreprises.

PHIRIGIA.

Grand Roy, que tarde vostre indomptable puissance à faire vos Gerions la proye des supplices qu'ont meritè leurs inhumanitez, si vous croyez que c'est vn effect de clemence d'en permettre l'impunitè, vous croyez aussi que ces Dieux sont iniustes, qui ont pour de moindres crimes eternisé ses peines de Encilades & des Promethees: le sçay bien que si vous estes capable de quelque deffaut que ce seroit d'auoir trop de pitié, la seule horreur de voir ce sang humain espandu rendât blesme vostre visage, qui ne le peut estre par les plus rudes assauts de la peur, mais vostre memoire vous feta present, l'orgueil des Geans punis du foudre pour auoir entrepris contre les puissances celestes, ce que vos ennemis font desia contre vous qui en estes la veritable image; grand Roy c'est l'ordonnance du Ciel que leur destruction, soit la gloire & le pris des honorables succurs de vos combatans pour differer

cest heureux iour le dernier de leurs infidelitez : il vous faut des apprendre qu'un haut courage joint à un legitime ressentiment, est l'esqui lon par qui les hommes sont poussez à la vengeance.

TYBVRTINA.

Grand Roy, quel des mortels pensés vous qui se deffende d'employer ses soins & ses veilles à tracer la veritable histoire de vos fameux exploits, en l'eternité du repos ou vous mettrés le monde qui s'excusera d'en celebrer eternellement la memoire, certainemēt ce sera vne occupation capable de rendre souhaitable aux Muses l'accroissement de leur troupe & qui desesperera leur capacité, de vaincre iamais les penibles destours qu'elles rencontreront, à dignement publier vos loüanges, il ne sera personne que ceste imperfection d'estre muet oblige de blasmer la nature, que s'il arrivoit de voir quelque creature partir de ses mains sans l'usage de la voix, persuadez vous que les signes qu'elle

leur donrra pour fidelles interpretes de son cœur la rendront pardonnable, ce fera vn infailible tesmoignage des maledictions que le Ciel enuoyera à la terre, si elle produict d'autres arbres que des Palmes & des Lauriers, & aux esprits infortunez de qui l'industrie paroistra ailleurs qu'à faire des couronnes pour marques immortelles, que par amourou par force vos merites vous font esgallement Roy du monde & des libertez.

SAMIA.

Grand Roy, sçauiez-vous point que c'est aux puissances du Ciel & de la terre vne fatalité de se rendre Ministres de vos vengeances, vos iustes ressentimens ne vous disposent ils pas à croire que Iupiter arme pour vous, & que quand le besoin de son secours excitera vostre desir, il mettra son foudre entre vos mains pour esclaser la teste à ces monstres infames de la Rebellion, à vous voir d'humeur, de faire de leur ruine vne exemple si memorable que la frayeur en passe

passe iusque à la plus reculée posterité,
 Mars hait le sejour de la Thrace, & ses
 impatiences en l'attente de vos cōman-
 demens, marquent que c'est obliger à
 vne trop longue durée, la resolution
 qu'il a ptis de les immoler à vostre cho-
 lere, le Soleil montera sur l'Orizon
 moins pour luire au monde que pour y
 voir vos grandeurs, comme l'obiet le
 plus accompli qui ait iamais paru à son
 grand œil, si ce n'est que l'horreur de
 leurs desloiautez voile son beau visage
 & les punisse d'eternelles tenebres, la
 mer troublera sa tranquillité pour les en-
 gloutir sous la fureur de ses ondes, & vos
 seuls merites serōt la Iunon qui persua-
 dera la tēpeste à Eole disposé d'en ioin-
 dre à ses vents vn soufflement dont la
 violence déprene de leur cœur les raci-
 nes d'une obstinée desobeyssance.

DELPHICA,

Grand Roy, iugez des felicitez dont
 vous comblerez l'Vniuers par les indu-
 bles assurances que ie vous donne

qu'elles se liront vn iour comme des fa-
bles, car qui ne s'estonnera d'apprendre
que c'est vous qui auez des Cieux rapel-
lé en terre la Iustice, & renduë inefbran-
lable aux violences des vents de tant
d'humeurs infidelles & corrompuës; à
voir l'air changer ses iniures en odeur
d'ambre & de rose, le Ciel ses mauuaises
influences en benedictions, les Dieux
enuier aux hommes le seiour de la terre
& n'auoir rien de souhaitable que l'hu-
manité, le sablon des riuieres le mesme
que celuy de Pactole sous les pieds, nai-
stre les Lys & les Roses, le Soleil perdre
d'admiration la memoire d'auoir iamais
couché aux riuës du Gange, l'annee ne
ramener d'hyuer, le iour estre sans om-
bre, adioutez à tous ces miracles, l'impos-
sibilité de mourir, qu'apres vn siecle ac-
comply d'annees, est il quelqu'vn qui
n'auouë qu'on les croira des contes en
l'histoire.

HELLESPONTICA.

Grand Roy, on ne trouuera plus estrange qu'Anoximandre ait creu vn nombre de mondes, la mesme diuinité qui luy en inspira l'opinion, luy apprit sans doute que vous naistriés capable de vous en rēdre le Monarque, si les Dieux auoient fait vne verité de l'imagination de ce sage Philosophe, ils eussent tesmoigné qu'ils les creoient, pour les offrir aux merites de vostre bonté, & que par impuissance ils laissoient sans guerdon ceux de vostre valeur, vous leur en restez si redevable que leur prudence ne pouuoit mieux paroistre qu'en la creation d'un seul, s'ils ne vouloient peupler tous ces mondes d'Hercules & d'Alexandre pour vous donner matiere de l'exercer & rendre plus memorables vos conquestes, il ne sera iamais puissance que vous ne treuuez trop foible, & la vostre qui viendra à bout de tout ne pourra iamais iouyr de la paix qu'elle dontra esgallement à tout le monde,

puis qu'il est vray que le desir de treuuer
qui vous resiste sera vne guerre que
vous ne verrez iamais terminée.

LIBICA.

Grand Roy, vos qualitez incompara-
bles qui rendront les Dieux concurrens
en l'acquisition de l'honneur de vous
seruir, vont causer entre eux vn iuste su-
jet de guerre, & faire tous les yeux de
la terre tesmoins de leurs dissentions, es-
perez de voir la veritable image de cel-
les qui armerent la Grece contre la fa-
meuse Ilyon, mais n'apprehendez pas
que leur cholere cause iamais la ruine
de vostre puissance, ils entrent en que-
relle pour emporter l'auantage de meri-
ter de vos faueurs, mais ils sont d'accort
de soubmettre leurs Majestez à la vostre
& si desireux de se voir commandez d'a-
battre l'orgueil des seditieux, que rēdre,
si vous l'agreez, mescognoissables les tra-
ces de leurs villes, sera le moindre des
effets que vous deuez attendre de leur
obeyssance, ce seroit au reste des hom-

mes vn crime punissable de leur foudre, si leur volonté estoit complice avec la seule pensee de meriter qu'il fut quelque discord entre les diuinitez, mais ce qui vous exempte du rang des mortels permet bien a vos ambitions de pretendre legitiment où ils ne peuuent aspirer sans impieté.

CVMAEA.

Grand Roy, ie fors des plus profondes cauernes que l'Enfer cache, mesmes aux ombres où m'auoient portee les ambitieux desirs d'apprendre s'il est quelque lieu où ne penestre le bruit de vos merueilles, il est vray que la renommée les y a publiees, mais scachés ou que d'enuie qu'elle porte à vostre grandeur, ou de douleur de ne se voir iamais employée qu'à parler de vous, que ses langues l'ont souuant figuré moindre que n'est la verité, que si vostre curiosité peut estre satisfaite par le recit de mes rencontres: entourée de ces ames fortunées, que le desir de scauoir le subiet

de mon second voyage portoit de tous costez pres de moy, ie respons qu'à la faueur d'un grand Roy les tenebres & la frayeur auoient disparu, l'effroyable gardien de leurs portes endormy sa rage, & que ramenteuant tousiours vostre nom, le rameau d'Or eust plustost seruy de fardeau à ma main que de moyen de me faire vne facile voye dans l'auerne. Je ne puis m'empescher de vous dire que i'eusse accru le nombre de ces esprits bien-heureux, si le soin de ne vous laisser en l'ignorance iusque où s'estant vostre Empire, n'eust attiré celuy de reuoir le monde, & d'y reuiure encore pour vous annoncer que c'est où veut aller la grandeur d'un Roy qui peut tout.

ERITHRÆA.

Grand Roy, ce ne sera point blasphemer contre les Dieux de les accuser de peu de pitié, puis qu'ils permettront que auant que vostre puissance a t remis le deuoir au cœur des mutins, leur espee rougie du sang des vainqueurs de tan

de hautes aduantes, comme se pour-
 ront ils deffendre d'auoir consenti à leur
 perte, & oster aux hommes l'opinion
 qu'ils n'ont que le nom de Iuste, non ou
 ce sera vn coup de leur inclemence que
 vos ennemis triomphent de la defaite de
 ces releuez courages, ou de leur impuis-
 sance de n'auoir empesché qu'elle ne
 vous exposat à la discretion de la dou-
 leur, quel que honneur que reçoient vn
 iour ces belles ames, de rester eternal-
 lement viuans en toutes les memoires
 du monde, au moins pour espargner vos
 larmes, que ne les ont ils créées ou plus
 heureuses à combattre, ou moins ambi-
 tieuses de produire leur gloire à la hon-
 te de leurs ennemis.

F I N.

213